

城口廳志卷之十九

雜類志

昔班孟堅之志藝文不遺稗官小說劉子元之作史通亦有雜記瑣言是知紀事載筆先其大者視聽不該豈無遺逸傳聞所及或有異同於叢殘薈蕞之中彙而輯之庶廣流傳以資採擇或亦博覽者之一助也茲編凡廳境之嘉祥災異罕見竒聞者皆統於中然或徵諸正史或採之羣書或爲父老之所傳言猶在耳或有遺蹟之未泯事非無稽

城口廳志

卷十九

雜類

始著篇端以備參考至如祖台誌怪干寶搜神星象囿於偏隅休咎漫以臆說則不敢附會俱從闕焉志雜類





雜類

五世同堂

城口七保壽民張洪泰年八十二歲五世同堂道光六年六月三十日題請

旌表七月初二日奉

旨依議欽此欽遵令該總督按照年歲給與匾額賞給緞疋銀兩總督部堂戴給該民寰宇熙春匾額一產三男

城口廳民何琦周之妻李氏一產三男道光五年

城口廳志

卷十九

雜類

二

十二月十五日題本月十七日奉

旨知道了欽此欽遵照例

賞給該本家米五石布十疋行文戶部及該督遵奉施

行

壽民

胡興才

九保廟填人生於乾隆五年道光十八年前任通判福來曾給未若干以資養膳

道光二十年壽一百歲

朱一見

九保平坝文生朱中選之父生於乾隆五年嘉慶初教匪滋亂一見團練勇捐

輸糧餉撲滅黃泥灣鞍子坪等處賊匪恭大德禔泰給八品軍功道光二十三年通判胡紹文



給德倅淇右四字匾額現  
在九十三歲五世同堂

華桂芳 七保太和場人 生乾隆二十三年 現在八十六歲

覃元俸 七保糧民生 乾隆二十四年嘉慶初 匪

七名解送 奏贊大臣 德楞泰 軍營賞八品軍功 當

發難民婦 父四十二名 令元俸 尋訪娘舅二家 姓

名交領 現在 八十五歲

謝朝榮 七保高觀場人 生乾隆二十四年 現在八十五歲

李雙桂 七保高觀場人 生乾隆二十七年 現在八十二歲

鄧昌通 七保袁家廟人 生乾隆二十八年 現在八十一歲

陳汝華 七保袁家廟人 生乾隆二十七年 現在八十二歲

城口廳志 卷十九 雜類

袁玉發 七保四甲木瓜垵人 生乾隆二十五年 現在八十四歲

羅典平 九保一甲人 生乾隆二十七年 現在八十二歲

袁大仁 七保太和場人 生乾隆巳卯年 現在八十五歲

袁三福 七保太和場人 生乾隆甲申年 現在八十七歲

物瑞

道光二十年二月七保大渡溪民趙遠清家牛生

雙犢

豐年

道光十四年甲午廳境高低田地穀蔬瓜果無不



豐收愈常數倍自開墾數十年來所未遇也連年  
大饑賴此年稔熟頓復元氣

凶年

嘉慶五年城口大饑因三四兩年川陝楚三省教  
匪為各路官兵所逼盡竄廳境山中出沒往來無  
有休息兼之裹脅居民無算逃亡被害者更多兩  
載徧地無人耕種田地皆生蓬蒿樹木間有囤積  
已為賊焚掠至是草根樹皮悉為食盡餓死者眾  
幾至人烟斷絕

城口廳志

卷十九

雜類

四

嘉慶十八年大旱自立夏後至秋始得雨高低田  
地皆歉收十九年春夏之間穀米價昂較常三倍  
民多以草根樹皮為食間有餓莩

道光十二年壬辰秋雨數月禾苗盡腐顆粒無收  
至冬穀米雜糧價昂較常數倍十三年癸巳春穀  
價貴至十數倍牲畜草木凡可食者皆食盡至食  
泥沙

是年廳境出白沙泥俗呼觀音粉人  
多賴以救荒過此則無有食之者

餓莩滿

道饑民多析死以為食禁不能止餓絕戶口數  
百餘家餓死數萬眾流亡者不可數計是年秋



陰雨彌月苗不能實雖少有收不及常年十分之一  
第人民死亡過半現存者多賴草根樹皮以為

食

水異

道光十六年乙未七月十六日大水復興場皆為

冲塌

道光十九年十月初六日大水

蛟異

道光二年三月七保高觀場縱樹溝起蛟山崩冲

城口廳志 卷十九

雜類

五

場田地百餘畝瘞居民七家共三十六丁口

相傳先有

附近居民至其山採備草簪見山畔泉穴中有物  
大如牛頭昂首水中過數日山自裂而崩

道光十六年五月九保黃溪河趙五灣起蛟山崩

瘞居民田廖一姓全家共十餘丁口

畜異

道光五年四月七保復興場民曾義興家牝驃產

駒

道光十六年三月七保老鴉口場民陳宗仁家豕

產象



木異

九保大塆口其地有古梓樹一株大數圍高數丈其上寄生托杉巖桑刺榆各色樹又皆各高數丈道光十三年九保王家溝民家李子樹結實如刀豆

竹異

道光八年七保七星塆民家水竹一莖大盈把出土五節上分極為二莖各大於指高丈餘

道光十二三年廳境山中野竹皆開花結實人多

城口廳志

卷十九

雜類

六

收以濟饑

獸異

道光十二三年廳境豺狼羣出嚙食道路溝壑饑斃之人夜則羣鳴其聲嗚嗚駭聽城廂皆聞之捕之即湫過此兩年則悉皆斂跡不知所之矣

蛇異

通志太平山谷間有蛇似蟾蜍以後足掛於樹杪間伺人過其下則躍以害人被嚙者無不立斃如人先見則不可逸對之肆罵蛇即自氣死故名焉



氣包子又曰三脚蛇又曰倒掛蛇見韻府

紀聞

通鑑明正德五年庚午三月以洪鐘總制川陝河

南鄖陽軍務時四川保寧賊藍廷瑞稱順天王鄖

本怒一作駱本怒稱刮地王廖惠稱掃地王設四十八

總管眾十餘萬延蔓湖廣川陝之境廷瑞等屢敗

勢感求降鐘令至東鄉時太平城口俱屬東鄉聽撫賊意在

緩師依山結營遷延數月復叛鐘授計永順土司

彭世麟禽廷瑞本怒斬之廖惠逸去收合散亡轉

口廳志

卷十九

雜類

七

掠川東川北等州縣官軍不敢擊躡賊後馘良民

以為功土兵虐尤甚時有謠曰賊如梳兵如篦

兵如鬻

張獻忠陝西膚施人從苗美王家印作亂自號八大王受撫復叛

通鑑明崇正七年春正月陳奇瑜總督河南山陝

川湖軍務以討流賊初奇瑜巡撫延綏破賊延水

關有威名賊躡豫楚廷議以事權不一請設大臣

統之乃進奇瑜兵部侍郎總督五省軍務專辦流

賊賊自鄖陽渡漢連陷紫陽平利二月臨夔州



獻忠等十三營流突漢南川縣遂陷夔府遠近皆震

通鑑崇正十三年庚辰獻忠在楚蜀界上欲奔漢

中為川北副將張令所扼左良玉合諸將兵敗之

柁坪關今太平屬地獻忠走良玉自漢陽西鄉追入蜀

會諸將擊之瑪瑙山太平屬地斬賊渠十六人俘獻忠

妻妾賊走岔溪今名岔溪河廳屬地轉入柯家坪今廳屬地已而

率千餘騎竄興歸山中今川陝大界嶺

明史楊嗣昌傳當是時李自成潛伏陝右賀一龍

城門廳志

卷十九

雜類

八

左金玉等四營跳梁漢東嗣昌專勦獻忠獻忠屢

敗於興安求撫不許其黨托天王常國安金翅鵬

劉希原來降獻忠走入川良玉追之嗣昌檄令還

良玉不從二月七日與陝西副將賀人龍李國奇

夾擊獻忠於瑪瑙山大破之斬馘三千六百二十

墜巖谷死者無算其黨掃地王曹威等授首十反

王楊友賢率眾降而湖廣將張應元汪之鳳敗賊

水石坝今太平屬地獲其軍師四川將張令方國安敗

之干江河今廳屬地李國奇賀人龍敗之寒溪寺鹽井



皆廳川陝湖廣諸將畢集連敗之黃整木瓜溪屬地今名木瓜河屬地木瓜溪軍聲大振羅汝才惠登相求撫獻忠

持之斂兵南漳遠安間

明史左良玉傳十三年春督師楊嗣昌薦良玉有

大將之兵亦可用遂拜平賊將軍是時獻忠踞楚

蜀郊閏正月良玉合諸軍擊賊於徇平關獻忠敗

走良玉乃請從漢陽西鄉入蜀追之嗣昌謀以陝

西總督鄭崇儉率賀人龍李國安從西鄉入蜀而

令良玉駐兵興平別遣偏將追剿良玉不從嗣昌

城川廳志

卷十九

雜類

九

檄良玉曰賊勢似不能入川仍當走死秦界耳將

軍從漢陽西鄉入川萬一賊從舊路疾趨平利仍

入竹房將何以禦不則走宜昌入歸巫與曹操合

我以大將尾追促賊反楚非算也良玉報曰蜀地

肥衍賊渡險任其奔軼後難制且賊入川則有糧

可因回郢則無地可掠其不復窺楚境明矣夫兵

合則強分則弱今已留劉國能李萬慶守郢若再

分三千人入蜀即駐興平兵力已薄賊來能遏之

即今當出其不意疾攻之一大創自然瓦解縱折



回房竹間人跡斷絕彼從何得食况郾兵扼之於前秦撫在紫興扼之於右勢必不得逞若宣昌歸巫險且遠曹操獻忠不相下倘窮而歸曹必內相吞其亡立見良玉已於二月朔渡蜀界之漁溪渡矣今太平與陝交界處名漁渡頃嗣昌度力不能制而其計良是遂從之時獻忠營太平縣大竹河今太平屬地良玉駐漁溪渡未幾總督崇儉以其兵來會賊移軍九滾坪太平屬地見瑯瑤山峻險無據之良玉始抵山下賊已踞山顛乘高鼓譟良玉下馬周覽者久之曰吾

城口廳志

卷十九

雜類

十

知所以破賊矣分所進道為三已當其二秦兵當其一今日聞鼓聲而上而軍夾擊賊陣堅不可動鏖戰久之賊大潰墜巖澗者無算追奔四十里良王兵斬掃地王曹威白馬鄧天王等渠魁十六人獻忠妻妾亦被擒遁入興歸山中尋自盡今明通井竄與歸界上是役也良玉功第一事聞加太子少保當獻忠之敗走也追且及遣其黨馬元利操重寶响良玉曰獻忠在故公見重公所部多殺掠而閭部猜且專無獻忠即公滅不义矣良玉心動縱



之去

明史張令傳十年冬李自成等陷四川二十餘州  
縣總兵侯良柱陣亡令獲免楊嗣昌之督師也張  
獻忠等悉奔興安為令所扼不得入漢中乃轉寇  
夔州十三年二月大敗瑪瑙山走岔溪干江河令  
復與副將方國安大破之令時年七十餘馬上用  
五石弩中必洞胸軍中號神弩將獻忠轉入柯家  
坪其地亂峯錯峙箐深道險令率眾追及之分其  
下為五鼓勇爭利賊眾官兵寡國安為後拒他道

城口廳志

卷十九

雜類

十一

逸去令獨深入被圍居絕阪中屢射賊營應弦斃  
者甚眾水遠士需賴天雨以濟圍終不解襄陽監  
軍僉事張克儉言於總督鄭崇儉張令健將奈何  
棄之急令叅將張應元汪之鳳從八台山今廳地進  
總兵賀人龍從滿月今廳地嶺進三月八日應元等  
先至令方與賊鬪呼聲動山谷應元等應之內外  
夾擊賊乃敗去令以賊萬餘相持十三日所殺傷  
過當其卒僅五千耳

蜀碧姚

天動

黃龍

皆川

賊明崇正間巡撫陳士奇勦



滅之

通志時川中諸賊或稱四家或稱十三家袁韜武  
大定及夔州譚文譚誼譚宏巫山劉體純鄧城胡  
明道金城姚玉州施州衛王光興最著其王有進  
景果勤張顯劉惟靈白蛟龍楊炳英李世傑等莫  
可稽考總謂之十三家賊又李自成餘孽李赤心  
竄死廣西子來亨代領其衆展轉竄川東與自成  
餘黨袁宗第賀珍子本榮黨守素等連結十三家  
賊出入巴渠夔巫一帶地方今據廳境父老流傳

城口廳志

卷十九

雜類

十二

曾遭明季賊姚黃之亂

國朝天戈西指

聖武遠揚公膺餘孽以次削平矣

東鄉志袁韜陝西沔縣人先是蜀賊姚天動黃龍  
聚黨劫掠輜亦騷响馬賊數千與姚黃接踵乘獻  
賊之亂掠川東各郡邑所至焚燬殺老幼開墳墓  
時值饑疫賊以人為食井邑蕭然人烟斷絕袁宗  
第郝搖旗等皆劫逆餘黨盤踞川東各地搜刮無  
遺人民百不存 十三家劉文秀獻逆義子也初



破川東各郡邑後與袁韜爭嘉定而據蜀者自明  
崇正甲申獻逆入蜀荼毒全川迄後被戮而其餘  
黨散布各邑展轉無休幾至民無孑遺我

朝順治二年巡撫李國英合諸道兵進勦乃悉平

何勉通江人隆慶中與弟姪及汪鐵錘大鷄子小

鷄子滾子等聚眾萬餘劫掠川東一帶受其荼毒

川陝鄖陽三撫合勦平之

見東鄉志

順治九年七月遣副將曹洪忠之達州招撫流賊

逼反王劉維明赴保定投誠達州平

見通志

城口廳志

卷十九

雜類

十三

康熙十三年甲寅吳三桂偽總督王公良率偽將  
軍王鳳岐劉之衛等據夔州逾六年庚申四川總  
督楊茂勳率師平之

一斗粟

失其名楊三賊

名自修

皆流賊餘黨竄城口山

中率眾劫掠蹂躪不堪後皆伏誅

見傳聞錄